



МОЛИТВА ВСЕЦАРИЦЕ



Чудотворная икона «Всецарица»

Празднование – 31 августа
(18 августа по старому стилю)

О Пречистая Богомати, Всецарице! Услыши многоболезненное воздыхание наше пред чудотворною иконою Твоею, из Афонского удела в Россию пренесенною, призри на чад Твоих, неисцельными недуги страждущих, ко святому образу Твоему с верою припадающих! Якоже птица крилома покрывает птенцы своя, тако и Ты ныне, присно жива сущи, покрый нас многоцелебным Твоим омофором. Тамо, идеже надежда исчезает, несумненною Надеждою буди. Тамо, идеже лютыя скорби преодолевают, Терпением и Ослабою явися. Тамо, идеже мрак отчаяния в души вселися, да возсияет неиз-

реченный свет Божества! Малодушным утеши, немощным укрепи, ожесточенным сердцам умягчение и просвещение даруй. Исцели болящия люди Твоя, о всемилостивая Царице! Ум и руки врачующих нас благослови; да послужат орудием Всемощнаго Врача Христа Спаса нашего. Яко живей Ти, сущей с нами, молимся пред иконою Твоею, о Владычице! Прости руце Твои, исполненные исцеления и врачбы, Радосте скорбящих, в печалех Утешение, да чудотворною помощью скоро получив, прославляем Живоначальную и Нераздельную Троицу, Отца и Сына и Святаго Духа, во веки веков. Аминь.

ЗАКАЗАТЬ МОЛЕБЕН ПЕРЕД ЧУДОТВОРНОЙ ИКОНОЙ
можно на сайте благотворительного [Фонда Архангела Михаила](#)
или по телефону 8 (495) 422-25-88.